

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Ekonomia Sustatzeko Saila**

Bizkaiko Foru Aldundiaren 8/2020 FORU DEKRETUA, otsailaren 4koa. Honen bidez, Berrikuntzari, Nazioartekotzeari eta Inbertsioari Laguntza Integrala emateko 2020ko 3i Programa arautzen duten oinarriak eta lehen deialdia onesten dira.

Bizkaian berrikuntzarako politikak egindako ahaleginak eta lortutako emaitzek pizgarria izan behar dute orain arte herri administrazioak eta eragile pribatuak egindako ahalegina sendotzeko; izan ere, enpresa-sare lehiakorren modernizazioa lortzeko orduan berrikuntzari, enpresen nazioartekotzeari eta inbertsioari lehentasuna ematen dituen epe luzeko politiken bidez baino sortzen ez delakoan dago administrazioa; hura da arriskuak saihesteko eta globalizazioak ematen dituen aukerak baliatzeko bide nagusia.

Legegintzaldi honetan, Ekonomia Sustatzeko Sail berri bat daukagu, Bizkaiak eta Bizkaiko enpresa- eta ekonomia-sareak dituzten interesen defentsarekin konprometituta dagoena. Horretarako, Bizkaiak industrian eta industriaren lehentasunezko sektoreetan zentratuta dituen indarren aldeko apustu trinko bat egitea proposatzen du, enpresa berri-tzaileagoak, internazionalagoak eta modernoagoak, kalitatezko enpleguaren sortzaileak lortzeko.

Foru Dekretu hau eta dekretuak lortu nahi dituen helburuak Ekonomia Sustatzeko Sailak sustatutako jarduera-multzoaren zati bat dira. Izan ere, programen eta zerbitzuen garapenean sustatzen ditu jarduera horiek, aberastasuna sortzen laguntzeko, Bizkaiko enpresen artean lehiakortasun iraunkorra sustatuta.

3i programaren helburua da berrikuntza, inbertsioa eta nazioartekotzea uztartzen dituzten enpresetan inpaktu handiko proiektuei laguntza ematea. Zenbateko altuko laguntzak eskaintzen ditu, betiere estatuko laguntzei buruzko Europako araudian jasotakoa errespetatuz. Programa horrek Ekonomia Sustatzeko Sailaren laguntza eta zerbitzu multzoa osatzen du, eta Bizkairako estrategikoak diren eta Bizkaiko Foru Aldundiaren laguntza sendoa behar duten proiektuei zuzentzen zaie.

Laguntza-plan honek, gainera, bat egiten du Zientzia, Teknologia eta Berrikuntzako Euskadi 2020 Planaren barruan ezarritako RIS3 espezializazio adimentsuko estrategian jasotako lehentasunekin, eta arreta berezia jartzen du fabrikazio aurreratuan, Euskadiko Industria 4.0. estrategian azaldutakoaren bidean.

Programa hau Euskadiko FEDER 2014-2020 Programa Eragilearen bidez ere finantzatu da, FEDER Landa Garapeneko Europako Funtsaren arloan. Une oro begiratuko da europar politikak bete daitezen; batez ere, honako alderdi hauetan: ingurumena, auke-ra-berdintasuna, kontratazio publikoa eta europar kofinantziazioaren publikizitatea.

Foru Dekretu honetan, genero-ikuspegia jasotzen da, bai hura prestatzeko orduan bai haren aplikazioan, Emakumeen eta Gizonen Berdintasunerako ekainaren 20ko 4/2018 Foru Arauan (aurrerantzean 4/2018 Foru Arauan) ezarritakoarekin bat. Gainera, kontuan hartu da 4/2018 Foru Arauaren 25. artikuluan eta Bizkaiko Foru Aldundiaren azaroaren 19ko 141/2013 Foru Dekretuan xedatutakoa; izan ere, haren bidez, generoaren eraginarekin aurretiazko ebaluazioa egiteko jarraibideak ezartzen dira; ebaluazio hori Emakumeen eta Gizonen Berdintasunerako otsailaren 18ko 4/2005 Legean (aurrerantzean 4/2005 Legean) dago aurrez ikusita. Ildo horretan, tramitazioan, Foru Dekretu horren 2. artikuluan aipatzen den txostena sartu da, hau da, generoaren eraginarekin aurretiazko ebaluazioari buruzkoa.

Programa horretan, emakumeen eta gizonen arteko berdintasuna sustatzeaz gain, kohesioari laguntzeko, egungo politika publikoen aplikazioa sendotzen duten klausula sozialak sartu dira. Helburu horretarako, dirulaguntzetarako prozeduretan klausula sozialak, ingurumenekoak eta beste politika publiko batzuei buruzkoak sartzeko gidaren



gomendioei jarraitu zaie, gida horrek erraztu egiten baitu arau hauetan ezarritakoa aplikatzea: Dirulaguntzen Erregelamenduari buruzko martxoaren 23ko 34/2010 Foru Dekretuaren (aurrerantzean, Dirulaguntzen Erregelamendua) 45. artikulua aldaketa. Foru Dekretu horren bidez, maiatzaren 31ko 5/2005 Foru Araua garatu zen, Foru Administrazioak emaniko dirulaguntzen araubide juridiko orokorra arautzen duena (aurrerantzean, 5/2005 Foru Araua). Adierazitako 45. artikulua hori otsailaren 27ko 27/2018 Foru Dekretuaren bidez aldatu zen, eta Bizkaiko Batzar Nagusiek 2017ko urriaren 18an onetsitako mozioaren ondorioz izapidetu zen.

Foru Dekretu honek bete egiten ditu erregulazio onaren printzipioak, zeinak Administrazio Publikoen Administrazio Prozedura Erkidearen urriaren 1eko 39/2015 Legean (aurrerantzean, 39/2015 Legea) aurreikusten diren eta Bizkaiko Foru Aldundiaren urtariraren 17ko 2/2017 Foru Dekretuaren 3. artikuluan jasotzen diren (Foru Dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Euskal Herriaren Autonomia Estatutuaren 9. artikulua hau ezartzen du: «Bizi- eta lan-baldintzen hobekuntzaren aldeko politika bultzatuko dute bereziki» eta «Enplegua gehitzea eta ekonomiaren oreka sustatzeko neurri lagungarriak hartuko dituzte».

Beraz, eskumenari dagokionez, kontuan hartu behar dira, batetik, Autonomia-Elkarte Osorako Erakundeen eta Bertako Kondaia-Lurraldeetako Foruzko Ihardutze-Erakundeen arteko Harremanei buruzko 1983ko azaroaren 25eko 27/1983 Legea; eta, bestetik, Bizkaiko Kondaia Lurraldeko Foru Erakundeen Hautapen, Antolaketa, Erregimen eta Funtzionamenduari buruzko otsailaren 13ko 3/1987 Foru Araua (aurrerantzean 3/1987 Foru Araua), zeinak ezartzen baitu Foru Aldundiari dagozkion araubide erkideko diputazioen eskumeneko gaiak. Ildo horretan, Toki-araubideren oinarriak arautzen dituen 1985eko apirilaren 2ko 7/1985 Legearen 36.d) artikulua ezartzen du probintziako diputazioen berezko eskumena dela «probintziako lurraldearen garapen ekonomiko eta soziala sustatzeko eta plangintza egiteko lankidetzaren ematea, arlo horretan beste herri-administrazioak dituzten eskumenekin ba etorritik». Aurreko hori kontuan hartuta, ondorioztatu behar da Bizkaiko Foru Aldundiak eskumena duela Foru Dekretu honen xedearen gainean.

Araugintza-ekimenari dagokionez, Ekonomia Sustatzeko foru diputatuari dagokio, 1987ko otsailaren 13ko 3/1987 Foru Arauaren 39.k) artikuluan eta sail horren egitura organikoari buruzko erregelamendua onesten duen Bizkaiko Foru Aldundiaren 2019ko abenduaren 17ko 207/2019 Foru Dekretuaren 1. artikuluan xedatutakoaren arabera. Izan ere, sail horri jardun-eremu hauek dagozkio, besteak beste: «Enpresen sustapenarekin zerikusia duten jardura guztiak bultzatu eta garatzea; enpresa berriak sortzea eta kultura ekintzailea sustatzea; enpresak dibertsifikatzea eta sortzen eta hazten ari diren sektoreak sendotzea; lehiakortasuna hobetzea eta industria sustatzea —batez ere, Bizkiko lehentasunezko industria-sektoreak—; jakintzaren arloko zerbitzu aurreratuak indartzea; berrikuntza; zientziaren eta teknologiaren arloa bultzatzea; enpresen arteko lankidetzaren sustatzea, eta eskualdeak eta lurraldea garatzea».

Edonola ere, Gobernu Kontseiluari dagokio aztertzea bidali den testua onartzea, 3/1987 Foru Arauaren 17. artikuluan xedatutakoaren arabera.

Adierazitakoa dela bide, Ekonomia Sustatzeko foru diputatuak proposatuta eta aurretik Gobernu Kontseiluak eztabaidatu eta onetsita, Bizkaiko Foru Aldundiak, 2020ko otsailaren 4ko batzaraldian, hauxe,

XEDATU DU:

Artikulu Bakarra

Ekonomia Sustatzeko Saileko Berrikuntzari, Nazioartekotzeari eta Inbertsioari Laguntza Integrala emateko 2020ko 3i programak ematen dituen dirulaguntzen oinarri arautzaileak eta lehen deialdia onartzen dira, eta oinarriaren testua jarraian eranstean da.



I. TITULUA

OINARRIZKO EZAUGARRIAK

1. oinarria. — Foru Dekretuaren xedea

Berrikuntzan, nazioartekotzean eta inbertsioan eragin berezia jartzen duten ekin-tza integralen bidez, enpresen lehiakortasuna handitzen duten eragiteko indar handiko proiektuak laguntzea du xede programa honek.

2. oinarria. — Definizioak

Foru Dekretu honetan definizio hauek biltzen dira. Hemen islatu edo jaso ez den guztian Itunaren 107 eta 108. artikulua (DO, L 187, de 26-06-2014) aplikatuta barruko merkatuarekin bateragarriak diren laguntza-maila batzuk adierazten dituen 2014ko ekai-naren 17ko 651/2014/EE Araudian jasotako definizioak izango dira aginduzkoak (aurre-rantzean, 651/2014 (EE) Araudi Orokorra):

- a) «ETEE»: Honako hauek joko dira ETEEtzat: 651/2014 (EE) Araudi Orokorrekin bat etorrira ekonomi jarduera bat garatzen duen erakundea, enpresaren itxura ju-ridikokoa eta berezko nortasun juridikokoa, 250 pertsona baino gutxiagoko plan-tilla duena eta 50 milioi euroko kopurua gainditzen ez duen negozio-bolumena duena edo urteko balantze orokorrean 43 milioi euroko kopurua gainditzen ez duena.
- b) «Enpresa txikia»: Honako hau definitzen da enpresa txikitzat ETEEen katego-rian: 50 pertsona baino gutxiagori okupazioa eskaintzen dien eta urteko nego-zio-kopuruak edo urteko balantze orokorrak 10 milioi euroko kopurua gainditzen ez duen enpresa.

Kasu bietan, enpresa eskatzailearen baliagarrien eta mugen zenbaketa egitean kontuan hartuko da elkartu edo loturiko enpresen baliagarrien batuketa, aipatu-tako 651/2014 (EE) Araudi Orokorren I. eranskineko 4, 5 eta 6. artikuluetan xedatutakoaren arabera.

Langiletzat joko dira enpresaren jarduerari atxikita dauden baina euren izaera-gatik Gizarte Segurantzaren Araubide Orokorrean alta emanda egon ezin diren langile autonomoak.

Seme-alabak edo mendetasuna duten pertsonak zaintzeagatik lansaioa murriz-ten den kasuetan, erakunde eskatzailearen beraren eskariz, murrizketa kontuan hartu gabe konputatu ahal izango dira lansaio horiek.

Urteko negozio-bolumena negozio-zifraren zenbateko garbiari dagokiola joko da, bai eta balantze orokorra aktibo osoari dagokiola ere; zenbateko garbia eta aktibo osoa, biak, enpresaren sozietateen gaineko zergaren azken aitortpenean (autolikidazioan) jasota daude.

- c) «Garapen esperimentalak»: zientziaren, teknologiaren, enpresaren eta abarren esparruetako jakintzak eta teknikak (aurretik existitzen zirenak) eskuratzea, kon-binatzea, itxuratzea eta erabiltzea, produktu, prozesu edota zerbitzu berrien, al-datuen edo hobetuen plan eta egitura edota diseinuak egiteko xedearekin. Bar-nean hartu ahal izango ditu, esate baterako, produktu, prozesu eta zerbitzuen kontzeptuen definiziorako, plangintzarako eta dokumentaziorako beste hainbat jarduera.

Laguntza programa honen arabera, garapen esperimentalak prototipo eta proiektu pilotuak garatzea ere barne har dezake, produktu, prozesu edo zerbitzu ber-rien edo hobetuen saiakuntza eta balioztatzea, funtzionamenduaren baldintza errealak diren ingurune adierazgarrietan, baldin eta helburu nagusia hobekuntza tekniko berriak ekartzea bada guztiz sendotua ez dauden produktu, prozesu edo zerbitzu horiei; prototipo eta edo proiektu pilotuen garapena ere diruz lagundu daitezke, ezinbestean, azken merkataritza-produktua denean eta bere fabrika-zioa soilik erakusketa- eta balioztatze-helburuetarako garestiegi denean.



Garapen esperimentalak ez ditu barne hartzen produktuetan, produkzio-lerroetan, fabrikazio-prozesuetan, existitzen diren zerbitzuetan eta martxan dauden bestelako jardueretan egindako ohiko edo aldizkako aldaketak, horrelako aldaketek hobekuntzak eragin baditzakete ere.

- d) «Bideragarritasun-azterlana»: proiektu baten indarra ebaluatu eta aztertzea, erabakiak hartzeko prozesua objektiboki eta zentzuz laguntzeko, haren puntu ahulak eta indartsuak eta aukerak eta erasoak aurkituz, eta hura burutzeko beharrezko baliabideak eta, azken batean, haren arrakasta-aukerak zehazteko, hain zuzen ere.
- e) «Antolaketaren inguruko berrikuntza»: salerosketari, lantokiaren antolamenduari edo enpresak kanpokoekiko dauzkan harremanei antolaketa-metodo berria aplikatzea.

Ez dira haien artean sartuko jada enpresan erabiltzen ziren antolaketa-metodoetan oinarritutako aldaketak, kudeaketa-estrategian egindako aldaketak, bat-egiteak eta eskuraketak, prozesu bat bertan behera uztea, kapitala ordeztu edo handitze hutsa, faktoreen prezioa aldatu dela-eta sortutako eraldaketak, ekoizpen pertsonalizatua, toki erabilerei egindako egokitzapena, sasoiaren arabera edo bestela aldian-aldian egindako aldaketak eta produktu berrien edo nabarmen hobetuen salerosketa.

Honako hauek sartzen dira, besteak beste, antolaketaren inguruko berrikuntza-ren barruan:

- i. Pertsonen eta taldeen protagonismoan oinarritutako antolaketaren inguruko berrikuntza: lantokiaren antolaketari beste metodo bat aplikatzea antolaketa-ko aldaketa-prozesu baten bidez eta antolaketa kudeatzeko eretan, erakundeko pertsonak proiektu horien inguruko gogoetan eta proiektu horien praktikan jartzeko prozesuetan modu zabal eta anitzean parte-hartzea ekarriz.
 - i. Salerosketen antolaketaren inguruko berrikuntza: merkatu berriak irekitzeko eta produktu eta zerbitzuak salerosteko bide berriak sortzeko berrikuntza, salerosketei edo enpresa batek dauzkan kanpoko harremanei antolaketa-ko metodo berri bat aplikatzea ekarriz.
- f) «Prozesuen inguruko berrikuntza»: ekoizpen- edo hornitze-metodo berri bat edo nabarmen hobetua aplikatzea (teknika, ekipo edota programa informatikoei egindako aldaketa nabarmenak barne), baldin eta haien helburua prozesuari balio erantsi handiagoa ematea bada.

Ez dira haien artean sartuko eraldaketa edo hobekuntza txikiak, aurretik ere erabiltzen ziren fabrikazio-sistema edo logistiken oso antzekoak sartuta lortutako ekoizpen- edo zerbitzu-gaitasunen hobekuntzak, prozesu bat bertan behera uztea, kapitala ordeztu edo handitze hutsa, faktoreen prezioa aldatu dela-eta sortutako eraldaketak, ekoizpen pertsonalizatua, sasoiaren arabera edo bestela aldian-aldian egiten diren aldaketak eta produktu berrien edo nabarmen hobetuen salerosketa.

- g) «Aholkularitza zerbitzuak»: enpresatik kanpoko aholkularitza-zerbitzuko enpresek edo profesionalek berrikuntza eta nazioartekotzearen inguruko aholkularitza eta laguntza eskaintako zerbitzuak.

Zerbitzu horiek ez dira jarduera iraunkorrak edo aldian aldikoak izango, eta ez dute harremanik izango enpresaren ustiapen-gastu arruntekin, esaterako, aholkularitza fiskaleko ohiko zerbitzuak, aldian aldiko zerbitzu juridikoak edo publizitate-zerbitzuak.

Zerbitzu horien artean, honako hauek zehazten dira:

- i. «Berrikuntza inguruko aholkularitza-zerbitzuak»: ezagutza-eskualdaketaren, aktibo ez-materialen eskuraketa, babes eta ustiapenaren eta haien eransten dituzten arau eta erregelamenduen erabileraren arloetako aholkularitza, laguntza eta prestakuntza.



- ii. «Inbertsioaren inguruko aholkularitza-zerbitzuak»: teknologiaren eskualdaketaren eta eskuraketaren arloetako aholkularitza, laguntza eta prestakuntza.
- iii. «Nazioartekotzearen inguruko aholkularitza-zerbitzuak»: enpresaren nazioartekotzerako aholkularitza-zerbitzuak, honako hauek esaterako: nazioartekoaren inguruko diagnostikoa, gogoeta eta dibertsifikazio estrategikoa, nazioartekotze-planaren prestaketa, herrialdearen eta herrialde horretan egoteko eraren hautaketa, destino zehatz batean finkatzeko bideragarritasun tekniko edota ekonomikoa, finkatzeko balizko proiektuen gaineko bideragarritasun-azterlana, destinoko herrialde horretan eragiketak has-teko beharrezko zerga-, finantza- eta lege-arazoei buruzko txostenak (akordioak, kontra-tuak,...) merkatu-ikerketak, eta tokiko gizarte erakunde bantzaileen bilaketa eta hautaketa, teknikari espezializatuen hautaketarako laguntza edo nazioartekotze-planaren arabera identifikatutako merkatuetan sartzeko beharrezko bestelako ikerketa-jarduketak eta azterlan batzuk.

Zerbitzu horien artean ez dira sartzen balizko bezeroen zerrenden prestaketa, ezta merkataritzako agenteen eta ordezkarien kostua ere.

3. oinarria. — Entitate onuradunak

1. Gainera baldintza hauek betetzen dituzten enpresa txiki eta ertainak izango dira onuradunak:

- a) Enpresaren itxura juridikoa eta berezko nortasun juridikoa edukitzea.
- b) Gutxienez ekoizpen-zentro bat edo balio erantsi handiko zentro bat Bizkaiko Lurralde Historikoan edukitzea, bertan laguntzaren xedeko proiektua garatzen delarik, eta gutxienez 10 pertsonako plantilla bat edukitzea, lanaldi osoko urteko baliokideetan.
- c) 10 eta 249 pertsona arteko plantilla bat izatea lanaldi osoan, baina betiere urteko kopuru baliokideetan.
Gutxienerako pertsona kopuruari dagokionez, plantilla zenbatzeko erakunde eskatzaileari soilik dagozkion datuak.
- d) Honako bi muga hauetako bat, gutxienez, ez gainditzea, eskabidearen aurreko zerga-ekitaldian sozietateen gaineko zerga dela-eta aurkeztutako azken aitortpena arabera:
 - i. urteko negozio kopurua: 50.000.000 euro.
 - ii. balantze orokorra: 43.000.000 euro.a), b) eta c) baldintzak (pertsonen gutxienerako kopuruari dagokionez) eskabidea aurkeztean egiaztatu beharko dira, eta erabakia eman arte eta ordainketa egin arte mantendu. Pertsonen gehieneko kopuruari buruzko c) baldintza eta d) baldintza eskabidea aurkeztean denean egiaztatu behar dira.
- e) Euren jarduera nagusia industria, eraikuntza, garraioak, industriari lotutako zerbitzuak, turismoa eta handizkako merkataritza sektoreen barruan egotea, euren jarduera nagusia Foru Dekretu honen I. eranskinean ageri diren 2009ko JESN-ren epigrafearen barruan gelditzen delarik. Kanpoan geratzen dira arrantza, akuikultura eta lehen mailako nekazaritza-ekoizpena sektoreak.
- f) Egunean edukitzea zerga betebeharrak, Gizarte Segurantzarekikoak eta diru-laguntzak itzultzeari dagozkionak.
Baldintza hori ebazpenaren eta ordainketaren unean bete behar da.
- g) Emakumeen eta Gizonen berdintasunerako 4/2018 Foru Arauaren 42. artikulua ezarritako ezein egoeratan sartuta ez egotea.
- h) Foru Administrazioak ematen dituen diru-laguntzen araubide juridiko orokorra arautzen duen 5/2005 Foru Arauaren 12. artikulua diru-laguntzei buruzko ezarritako ezein egoeratan sartuta ez egotea (aurrerantzean, Diru-laguntzei buruzko 5/2005 Foru Araua).



e), f) g) eta h) baldintzak automatikoki bete beharko dira, eta kasuan kasuko ingurubarrak gertatzen diren bitartean iraungo dute, Diru-laguntzei buruzko 5/2005 Foru Arauaren 12. artikuluan ezarritakoaren arabera.

2. Foru Dekretu honen aplikazio-eremutik kanpo geratzen dira krisian dauden enpresak, krisian dauden enpresa ez-finantzarioen salbamendu eta berregituraketako estatuko laguntzei buruzko Gidalerroetan (DO C 249 2014ko uztailaren 31) haiei buruz jasotako definizioaren arabera.

3. Arlo guztietatik kanpo geratzen dira sozietate publikoak, zuzenbide publikoko erakundeak, ondasun erkidegoak eta sozietate zibilak.

4. Foru Dekretu honetatik kanpoan geratzen da esplizituki legez kontrakoa edo barruko merkatuarekiko bateraezin adierazi duen Batzordearen aurretiko adierazpen baten ondoren berreskuratzeko zain dauden enpresentzako banakako laguntzen ordainketa.

5. Diru-laguntzaren bat jasotzen duten erakunde onuradunek 5/2015 Foru Arauaren 13. eta 41. artikuluetan xedatutakoa bete beharko dute. Bereziki, jasotako fondoak zertan erabili diren frogatzen duten agiri guztiak gorde beharko dituzte, agiri elektronikoak barne, finantza-kontrolaren eginkizunak dituzten organoen egiaztapen-jardueren eta kontrol-jardueren xede izan baitaitezke, eta haiei lankidetzak eskaini beharko diete. Era berean, Europako funtsei buruzko xedapen erkideak ezartzen dituen abenduaren 17ko 1303/2013 (EB) Erregelamenduaren (aurrerantzean 1303/2013 (EB) Erregelamendua) 125.4. artikuluan xedatutakoa bete beharko dute.

6. Dirulaguntzen onuradun diren erakundeek 4/2018 Foru Arauaren 46. artikuluan ezarritakoa bete beharko dute; zehazki, modu aktiboan sustatu beharko dute emakumeen eta gizonen berdintasuna, eta lan-baldintza duin eta gizalegezkoak, diskriminaziorik sortzen ez dutenak, bermatu.

4. oinarria. — Diruz lagun daitekeen egitatea

1. Erakundearen edozein eremutan (ekoizpen-prozesua, antolaketa, partaidetza, merkatua, jabetzaren babesa,...) berrikuntza proiektuen bidez erakunde eskatzailearen lehiatzeko gaitasuna hobetzera bideratutako jarduketak argi eta garbi estrategikoak, hari loturiko inbertsioak eta erakundearen negozio-ereduarekin koherenteak diren eta eragin handia duten nazioartekotzerako jarduketak diru-laguntza jaso dezaketen egitatzat jotzen dira. Jarduketa horrek proposatutako hiru arloetatik (berrikuntza, inbertsioa eta nazioartekotzea) gutxienez bi betetzen dituen proiektu integral bat izan behar du eta enpresak Bizkaian duen zentro batean oinarrituta garatu behar da.

2. Ez dira diruz lagun daitekeen egitatearen barruan hartuko aurkeztutako proiektuaren zati nuklearrari guztiz uztartuta ez dauden edo harekin lotura gutxi edo loturarik ez duten jarduketak.

3. 651/2014 (EE) Araudi Orokorraren III. kapituluko 2. atalaren (17, 18 eta 19. artikulua) 9 eta 4. atalaren (25, 28 eta 29. artikulua) arabera eta Foru Dekretu honen 2. oinarrian —definizioak— xedatutakoarekin bat etorruta, kategoria hauetan sar daitezkeen jarduketak bakarrik joko dira diru-laguntza jaso dezakeen egitatzat:

- a) ETEEen aldeko inbertsioetarako laguntzak:
 - Aktiboetako inbertsioa.
- b) Aholkularitza-zerbitzuetarako ETEEentzako laguntzak:
 - Berrikuntza, inbertsio eta nazioartekotzerako aholkularitza-zerbitzuak.
- c) ETEEentzako laguntzak, merkataritzako azoketan parte har dezaten:
 - Atzerriko merkataritza-azoketako partaidetza.
- d) Ikerketa eta garapeneko proiektuetarako laguntzak:
 - Garapen esperimentaleko eta bideragarritasun-azterlanetako jarduerak.
- e) Prozesuetako eta antolaketako berrikuntzarako laguntzak:
 - Prozesuetako eta antolaketako berrikuntzako jarduerak.
- f) ETEEen aldeko berrikuntzarako laguntzak:
 - Patenteen eta beste aktibo ez-material batzuen lorpena, baliozkotzea eta defentsa.



4. Nolanahi ere, proiektuak sexu arrazoiengatik ez dira baztertzailerak izango, eta ahal dela, sexuaren arabera rolak eta estereotipoak ezabatu beharko dituzte.
5. Honako proiektu hauek ez dira diruz lagunduko:
 - a) Erakundearentzat berrikuntzarik ekartzen ez duten proiektuak.
 - b) Kalitate kontrolari lotutako proiektuak, eta produktuak egokitzea merkatuak edo aplikatu beharreko arauak ezarritako berariazko betekizunetara.
 - c) Produktuaren birdefinizio estetikoak edo industri konplexutasunik gabeko aldaketak, markaren kudeaketa edo nortasun korporatiboaren kudeaketa beste helbururik ez duten proiektuak.
 - d) Plan estrategikoak, merkataritza-planak edo antzekoak eta haien berrikuspenak idazteko aholkularitza.
 - e) Produktuaren bizi-zikloari buruzko azterketak.
 - f) Plangintzarako pakete informatikoak (ERP, CRM, GMAO, etab. Gisakoak) garatzeko proiektuak.
 - g) Kudeaketa-sistemen ezarpena.
 - h) «Funtsezko ikerketako» edo «industria ikerketako» proiektuak, «Ikerketa eta garapen eta berrikuntzako estatu laguntzei buruzko erkidegoko esparruak» egindako definizioaren arabera.
 - i) Atzerrian ekoizpena finkatzeko edo merkataritzako ordezkariak ezartzeko proiektuak.
 - j) 651/2014 (EE) Araudi Orokorrean zehaztutakoaren arabera esportazio-jarduerak.
 - k) Bizkaiko Lurralde Historikoko zentroetan aplikatu ezin diren proiektuak.
 - l) Definizioan (argitasuna, plangintza, egikaritzeko metodo-logia...) edo proiektuari esleitutako baliabideetan (baliabide teknikoak, giza taldea, zuzkidura ekonomikoak,...) gabezia argiak dauzkaten proiektuak.
 - m) Bizkaiko Foru Aldundiko Ekonomia Sustatzeko Sailaren beste plan, programa edo jarduketaren eremu batzuen barruan lagundu izan diren jarduerak.
 - n) Ekonomia Sustatzeko Sailaren helburuekin bat ez datozen edota Ekonomia Sustatzeko Sailaren eskuduntzen eremuan sartzen ez diren jarduerak.

5. oinarria. — Diru-laguntza jaso dezaketen gastuak

1. Eskabidean aurkeztutako gastuetako bakoitza Foru Dekretu honen 4. oinarrian —diruz lagun daitezkeen egitatea— jasotako kategorien arabera sailkatuko da.
2. Kategoriatik bakoitzean diruz lagun daitezkeen gastu hauek daude zehaztuta.
 - a) Aktiboetako inbertsioa:

Honako hauek joko dira aktibotzat. lurrak, eraikinak eta instalazioak, softwareko lizentziak, makineria eta ekipak diren aktiboak.

Inbertsioak honako hauetako bat egiteko aktibo material edo inmaterialen inbertsioa izango dira: establezimendu berri bat sortzeko, lehendik zegoen establezimendu bat handitzeko, establezimendu baten ekoizpena ekoizpen berri gehigarrien bidez dibertsifikatzeko edo lehendik zegoen establezimendu baten ekoizpen-prozesu orokorrean funtsezko aldaketa bat sartzeko.

Bereziki, makinarian eta ekipetan egiten diren inbertsioak funtzionamenduan jarri behar dira lehenengoz.

Diru-laguntza jaso dezakete leasing modalitatearen bidez eskuratutako aktibo finkoetako inbertsioek, betiere kontratuan ondasuna eskuratzeko konpromisoa jasotzen bada. Kasu horietan, ondasuna eskuratzeko erabilitako zenbatekoa soilik joko da diruz lagundu daitezkeen gastuetatik, eta ez dira inolara ere onartuko finantza-errentamenduaren kontratuko baldintzak direla-bide aplikatzen diren finantza-gastuak eta komisioak.



- b) Berrikuntza, inbertsio eta nazioartekotzerako aholkularitza-zerbitzuak:
Kanpoko aholkulariek berrikuntza, inbertsio eta nazioartekotzearen inguruan eskaintako aholkularitza-zerbitzuen kostuak. Zerbitzu horiek ez dira jarduera iraunkorrak edo aldian aldikoak izango, eta ez dute harremanik izango enpresaren ustiapen-gastu arruntekin, esaterako, aholkularitza fiskaleko ohiko zerbitzuak, aldian aldiko zerbitzu juridikoak edo publizitate-zerbitzuak.
- c) Atzerriko merkataritza-azoketako partaidetza:
— Erakusketako standa alokatu, muntatu eta kudeatzeko gastuak.
- d) Garapen esperimentaleko eta bideragarritasun-azterlanetako jarduerak
- Langile-kostuak.
 - Zeharkako kostuak.
 - Tresna eta makineriaren kostuak, proiekturako erabiltzen diren heinean eta denboran.
 - Kontratu-ikerketei, ezagupenei eta kanpo-iturrien lizentzia bidez erositako edo lorturiko patentei dagozkien kostuek, betiere eragiketa erabateko lehia-ko baldintzetan eta proiekturako bakarrik badira.
- e) Prozesuetako eta antolaketako berrikuntzako jarduerak:
- Langile-kostuak.
 - Zeharkako kostuak.
 - Tresna eta makineriaren kostuak, proiekturako erabiltzen diren heinean eta denboran.
 - Kontratu-ikerketei, ezagupenei eta kanpo-iturrien lizentzia bidez erositako edo lorturiko patentei dagozkien kostuek, betiere eragiketa erabateko lehia-ko baldintzetan eta proiekturako bakarrik badira.
- f) Patenteen eta beste aktibo ez-material batzuen lorpena, baliozkotzea eta defentsa:
Europako, nazioarteko edo estatuko (baina nazioartekoan) patente-eskabideen aurkezpene eta tramitazioa, baita Europako Erkidegoko, nazioarteko edo estatuko (baina nazioartekoan) erabilera edo diseinuko ereduena ere.
3. Langile-gastuak ikertzaile, teknikari eta gainontzeko langile laguntzaileekin zerkusian duten kostuak joko dira, proiektuan edo jarduera egokian diharduten heinean. Kontzeptu horretan, erakunde eskatzailearen konturako karga sozialek eta gordain soldata eragindako zuzeneko langile-gastuei dagozkienak (Gizarte Segurantzaren) daude sartuta.
4. Pertsona bakoitzeko orduko kostua kalkulatzeko horrela egingo da:

$$\frac{\text{G.S.K.O.} \times 12 \times 1,25}{\text{Urteko ordu kopurua}}$$

Urteko ordu kopurua

Non:

G.S.K.O. gertaera arruntak direla-eta langileak Gizarte Segurantzari egin beharreko hileko kotizazio-oinarria da. Beste kotizazio-araubide batzuen mendeko pertsonen dago-kienez, Gizarte Segurantzaren araubide orokorreko oinarriarekin parekatutako oinarri bat hartuko da.

Urteko ordu kopurua langileak, lan-hitzarmenaren arabera, urtean egin beharreko ordu-kopurua da, kasu bakoitzean lanaldiaren murrizketaren portzentajea kontuan hartuta, halakorik egonez gero. Besterik adierazi ezean urteko 1.720 orduko hartuko dira.

5. Diruz lagun daitekeen oinarria kalkulatzeko orduan, gehienez 6 pertsona hartuko dira kontuan enpresa txikiak badira eta gehienez 12 gainerako ETEetarako.

6. Nolanahi ere, ez du gaundituko 240 orduko kopurua erakundeko eta hileko, enpresa txikiaren kasuan, ezta ere 480 orduko kopurua erakundeko eta hileko, gainerako ETEen kasuan.



7. Zeharkako gastuei dagokienez, berriz, erakundearen administrazio gastu orokorren zati proportzionalari dagozkionak dira (energia elektrikoa, telefonoa, administrazio-ko langileak, alokairuak,...). Diru-laguntza jaso dezakeen oinarria kalkulatzeko orduan, onartutako langile-kostuen %15 onartuko da gehienez.

8. Ondoko hauek ezin izango dute diru-laguntza jaso:

- Zergak eta tasak, BEZa bazter utzita (BEZa berreskuratu ezin den kasuetan ere bai), eta jabetza industrial babesteko prozesuei lotutako tasak kanpo utzita.
- Hornitzailea nor izango den adierazten ez duten gastuak edo inbertsioak.
- Bidaiei, otorduen eta mantenuaren gastuak.
- Aktibo finkoak alokatzeko gastuak.
- Edozein kudeaketa-sistema ezartzeko gastuak.
- Defentsa legalak, eta beste erakunde fisiko edo juridiko batzuek patentearen eskabideari, erabilgarritasun ereduari edo diseinuari aurkeztutako alegazioen erantzunak edo aurkakotasunak sortutako gastuak.
- Jabetza industrialaren bulegoetako urteko ordainketak.
- 1.000 euro (BEZa kenduta) baino gutxiagoko gastuen frogagiriak sortzen dituzten kanpoko gastuak edo kanpoko inbertsioak. Salbuespen gisa, beste gastu batzuk onartuko dira, baldin eta haien sortzapen edo ordainketa epetan edo erlontan zatitu bada, eta adierazitako zenbatekoa baino gutxiagoko justifikazio-agiriak sortzen badituzte; horretaz gain, seriean zehar trazabilitate argia egon behar da, diru-laguntza jaso dezakeen gastuaren kontzeptu berari lotutako kopurua osoa 1.000 euro edo gehiago dela egiaztatzea ahalbidetzeko.

9. Dena dela, Foru Dekretu honen 14. oinarrian ezarritakoa beteko da. Artikulu horretan diru-laguntza jaso dezaketen gastuetarako irizpide orokorrak adierazten dira.

10. Diruz lagun daitezkeen gastuaren balorazioa euroa ez den beste txanpon bat erabiliz eginez gero, fakturaren datan egingo da eurorako trukea.

11. Foru Dekretu honen 7. oinarrian ezarritako burutzeko epearen barruan (laguntza eskatzen den datatik 2021eko abenduaren 31ra bitartean, biak barne) sortutako eta Foru Dekretu honen 11. oinarrian ezarritako justifikatzeko azken egunera arte (2022ko martxoaren 31) ordaindutako gastuak lagundu ahalko dira diruz. Kanpoko gastuetan fakturazio data hartuko da erreferentzia gisa sortzeari buruzko kontabilitate-printzipioa urratzen ez badu.

6. oinarria. — Laguntzen zenbatekoa

1. Titulu honetan ezarritako onurak ezarritako egitate eta diruz lagun daitezkeen gastuengatik itzuli behar ez diren diru-laguntzak dira, enpresa onuradunaren kontabilitatearen ondorioetarako.

2. Diru-laguntzaren zenbatekoa kalkulatu da ondoko portzentaje hauek diruz lagun daitezkeen gastuei aplikatuz, kostu motaren arabera. Beraz, laguntzaren porzentajea eta gehieneko laguntza zehazteko, enpresa eskatzailea enpresa txikiaren kategorian edo beste ETE batzuenean kokatuko da, 2. oinarrian adierazitakoaren arabera.

Kategoria / Categoría	Laguntzaren gehieneko % %máximo de ayuda	
	Enpresa txikia Pequeña empresa	Beste ETE batzuk Otras pymes
Aktibo finkoetako inbertsioa Inversión en activos materiales	20	10
Berrikuntza, inbertsio eta nazioartekotzerako aholkularitza-zerbitzuak Servicios de consultoría para innovación, inversión e internacionalización	50	50



Kategoria / Categoría	Laguntzaren gehieneko % %máximo de ayuda	
	Enpresa txikia Pequeña empresa	Beste ETE batzuk Otras pymes
Atzerriko merkataritza-azoketako partaidetza Participación en ferias comerciales en el extranjero	50	50
Garapen esperimentaleko jarduerak eta bideragarritasun-azterlanak Actividades de desarrollo experimental y estudios de viabilidad	45	35
Prozesuetako eta antolaketako berrikuntza-jarduerak Actividades de innovación en procesos y organización	50	50
Patenteen eta beste aktibo ez-material batzuen lorpena, baliozkotzea eta defentsa Obtención, validación y defensa de patentes y otros activos inmateriales	50	50

3. Emandako laguntzen gehieneko zenbatekoak hauek izango dira erakunde eska-tzaile bakoitzeko, lagundutako proiektu bakoitzean:

Enpresa txikia / Pequeña empresa	Beste ETE batzuk / Otras pymes
450.000	500.000

4. Diruz lagun daitekeen gutxieneko oinarria 500.000 euro izango da, kopuru horre-tatik gehienez %50 langile-gastuak izan daitezkeelarik.

5. Jarduketa burutzeko unea zein ere den, laguntza aurrekontuko ekitaldi bati edo hainbati esleitu ahalko zaie.

7. oinarria. — *Burutzeko epeak*

1. Laguntza-programa honetara aurkeztutako jarduerak laguntza-eskabide aurkez-tu ondoren eta 2020ko abenduaren 31 baino lehen hasi beharko dira eta 2021eko aben-duaren 31 baino lehen amaitu.

2. Salbuespen gisa eta 34.6 oinarrian jasotako baldintzetan, enpresa onuradunak proiektua egiteko eta/edo justifikatzeko epea luzatzeko eskatu ahal izango du. Luzatze-ko eskaera 2021eko azaroaren 30a baino lehen egin beharko da.

3. Luzapena onesten bada, ebazpen espresu bat emango da, non proiektua egi-teko eta/edo justifikatzeko epe berriak adieraziko diren. Epe horiek ez dira izango be-deratzi hilabetetik gorakoak, 7. eta 11. oinarrietan, hurrenez hurren, proiektua egiteko eta justifikatzeko ezarritako azken egunetatik zenbatuta. Ebazpen espresurik ematen ez bada, administrazio-isiltasuna negatiboa izango da ezezpeneke eraginarekin.

8. oinarria. — *Eskabideak aurkezteko epea*

Eskabideak aurkezteko epea 2020ko otsailaren 17an hasiko da, eta 2020ko martxo-a-ren 6an, 13:30ean, amaituko da.

9. oinarria. — *Gehienez aurkez daitezkeen eskabideak*

1. Erakunde bakoitzak, eskabide bat (1) aurkeztu ahal izango du. Beraz, eskabidea iaera orokorreko proiektu bati egokituko zaio.

2. Enpresa bateko enpresa-kopuruak mugak gainditzen baditu, organo instrukto-reak jasotako lehenengo eskabidea baino ez du ebaluatuko, eta gainerako eskabideak automatikoki ez ditu onartuko.

10. oinarria. — *Balorazio irizpideak*

1. Onuradun izateko baldintzak betetzen dituztela frogatzen duten enpresetatik, ba-loraziorik onena lortzen dutenek jasoko dituzte diru-laguntzak, aurrekontuan baliagarri



dagoen mugaren barruan, honako irizpide hauen arabera eta adierazitako ponderazio edo haztapenak eginez:

	Puntu Puntos
Proiektuaren eragina / Impacto del proyecto	25
Proiektuak enpresaren hazkundean izan dezakeen eragina Impacto potencial del proyecto en el crecimiento de la empresa	15
Proiektuak Bizkaian izan dezakeen traxzio-efektua Efecto tractor del proyecto en Bizkaia	10
Proiektuak enpresaren lehiatzeko gaitasunean izan dezakeen eragina Influencia del proyecto en la competitividad de la empresa	55
Berrikuntza-maila / Grado de innovación	10
Nazioartekotze-maila / Grado de internacionalización	10
Inbertsioak lehiatzeko gaitasunari egindako ekarpena Contribución de la inversión a la capacidad competitiva	10
Proiektuak enpresaren estrategiarekin eta negozio-ereduarekin duen koherentzia Coherencia del proyecto con la estrategia y modelo de negocio de la empresa	25
Proiektuaren definizioa eta aurkeztutako proposamenaren kalitatea Definición del proyecto y calidad de la propuesta presentada	15
Proiektuaren plangintza eta kudeaketa / Planificación y gestión del proyecto	5
Proiektuaren helburuak, adierazleak eta jarraipen-sistematika Objetivos, indicadores y sistemática de seguimiento del proyecto	5
Proiekturako jarritako baliabide tekniko eta humanoak Medios técnicos y humanos destinados al proyecto	5
Enpresak ingurumenarekin, erantzukizun sozialarekin, euskararen sustapenarekin eta berdintasunaren sustapenarekin duen konpromisoa Compromiso de la empresa con el medio ambiente, con la responsabilidad social, con la promoción del euskera y con la promoción de la igualdad	5

2. Irizpide horiek erabiliz organo instruktoreak ebaluazioa egingo du eta azken balarazioa dakarren ondorioen txostena egingo du; hortik aterako da aurkeztutako proiektuen sailkapena.

3. Gutxienez 40 puntu lortzen ez dituzten proiektuak ezetsi egingo dira, laguntza ekonomikoa jasotzeko gutxieneko puntuaziora ez heltzeagatik

11. oinarria. — Aurkeztu beharreko agiriak

1. Laguntza egitarau honen onurei heldu nahi dieten enpresek honako agiriak bidali behar dizkiote Ekonomia Sustatzeko Sailari:

2. Eskabidearekin batera aurkeztu beharreko agiriak:
 - a) Eskabidea, Foru Dekretu honen 21. oinarrian ezarritakoaren arabera.
 - b) Ekonomia Sustatzeko Sailaren web gunean eta bulegoetan eskura daitekeen ereduaren arabera eskabidea, behar bezala beteta eta ordezkatzeko ahalorde nahikoa duten pertsonak sinatuta.
 - c) Eskuragarri dagoen langileen azken zerrenda nominala (lehen TC2a) Enpresari lotutako langile autonomoak badaude, pertsona bakoitza azken banku-ordainagiria ere (autonomoen buletina) erantsiko du, bai eta kotizazio-oinarrien azken txostena ere (eskuragarri dagoen azken hileko kotizazioa barne).
 - d) Indarrean dauden ziurtapenak eta/edo planak, genero ikuspegi, ingurumen, euskararen sustapen eta enpresa erantzukizun sozialekoak, bai eta erakunde publiko eskudunek emandako aintzatespenak eta diplomak ere.



- e) Hartzekodunaren fitxa, Bizkaiko Foru Aldundian banku-helbideratzeari buruzko datuak ez badaude edo dauden datuak aldatu nahi badira. Dokumentazio osoa dagoela jotzen den data zehazterakoan ez da kontuan hartuko hartzekodunaren fitxa, espedientearen ebazpena emateko ondorioetarako.

Proiektua baloratzeko ondokoak hartuko dira kontuan jasotako agiriak eta proiektuan parte hartuko duten enpresako pertsonekin egindako elkarrikuskaketan bildutako informazioa.

3. Proiektua egiten ari den bitartean eta amaitutakoan aurkeztu beharreko agiriak, eta diru-laguntza egiaztatzeko eta espedientea ixteko. Justifikazioa aurkezteko azken eguna 2022ko martxoaren 31 izango da, epe luzapena ebazpen espresu baten bidez eman denean izan ezik. Gastu agirieko egiaztapen-kontuaren sistemaren bidez egin beharko da diru-laguntzaren justifikazioa eta horretarako agiri hauek aurkeztu beharko dira:

- a) Justifikazioaren txosten teknikoa, webean eta Ekonomia Sustatzeko Saileko bulegoetan eskuragarri dagoen ereduaren arabera, behar bezala betea eta proiektua garatzen duen entitateko nahikoa ahalmen duen pertsonak izenpetua.
Eredua berdina izango da tarteko justifikazioetarako zein azken justifikazioetarako.
- b) Legezko baldintzak betetzen dituzten gastuen fakturak. Beste herri batzuetako fakturekin batera itzulpena aurkeztu beharko da, ingelesez eginda daudenak izan ezik. Leasing kasuetan, finantza errentamenduaren kontratuaren kopia, hornitzaileak finantza erakundeari egindako fakturaren kopia eta erosteko azken aukera hondar-balioarekin burutzeko konpromisoaren agiria (baina ez da aurkeztu beharrik izango finantza errentamenduaren kontratua islatzen bada).
- c) Fakturen ordainketen frogagiriak. Ez da onartuko eskura ordaintzea.
- d) Eskuragarri dagoen langileen azken zerrenda nominala (lehen TC2a) Enpresari lotutako langile autonomoak badaude, pertsona bakoitzak azken banku-ordainagiria ere (autonomoen buletina) erantsiko du, bai eta kotizazio-oinarrien azken txostena ere (eskuragarri dagoen azken hileko kotizazioa barne).
- e) Foru Dekretu honen 33. oinarrian eskatzen diren hiru eskaintzak edo ordezkotza agiriak.
- f) Diru-laguntza emateko ebazpenean beren-beregi aurkezteko eskatu dena.

4. Diru-laguntza kalkulatzeko kostuak lau kategoriatan sailkatuko dira: kanpoko gastuak, inbertsioak, langileen barneko langileria-gastuak eta zeharkako gastuak. Proiektua justifikatzeko unean, goiko kategorien batean onargarria den zenbateko osoa diru-laguntza kalkulatzeko onartu zen zenbatekoa baino txikiagoa dela ikusten bada, beste kategoriatan dagoen %20raino goranzko desbideratzeen bidez konpentsatu ahal izango da, beti ere 6. oinarrian ezartzen den langileria-gastuetarako gehienezko diru-laguntza gainditzen ez bada. Kostu-kategoria bakoitzari dagozkion laguntza-portzentajeen arabera kalkulatzeko diru-laguntzatik justifikatu beharreko zenbatekoari dagokionez, guztira emandako diru-laguntzaren zenbatekoa edo gehiago justifikatu behar da. Bestela, ez-betetzearen ondoriozko prozedura hasiko da.

5. Dena dela, Ekonomia Sustatzeko Sailak enpresa eskatzaileari beharrezkotzat jotzen dituen agiri edota informazio osagarriak eskatu ahal izango dizkio, aurkeztutako eskabidea ondo ulertu eta ebaluatzeko eta beraren jarraipena egin ahal izateko; agiriak eskatzen diren unean zehaztutako epean eman beharko dira. Era berean, Ekonomia Sustatzeko Sailak erakunde eskatzaileari bisitak eskatu ahal izango dizkio proiektua egin bitartean eta amaitu ondoren, jarraipen egokia egiteko.

6. Ekonomia Sustatzeko Sailaren jardueraren eragina ebaluatzeko, sail horrek enpresari proiektuak iraun bitartean zein proiektu amaitu eta osteko urteetan enpresaren bilakaera adierazten duten adierazle ekonomikoak eta enpleguari buruzko adierazleak nahiz proiektuak enpresan izandako eraginari buruzkoak aurkezteko eskatu ahal izango dio. Adierazle horiek aurkezteko epea, eskatzen zaizkion unean zehaztuko da.

**12. oinarria. — Erakunde laguntzaileak**

1. Ekonomia Sustatzeko Sailak berari atxikitako foru sozietate publiko batzuen laguntza du bere helburuak lortzeko. BEAZ, S.A.U., da sozietate horietako bat. Sozietate horrek diru-laguntza egitarauan esku hartuko du, erakunde laguntzaile gisa, Bizkaiko Foru Aldundiarekin sinatutako lankidetza hitzarmenean ezarritakoaren arabera.

2. BEAZ, S.A.U., erakunde laguntzaileak Bizkaiko Foru Aldundiko Ekonomia Sustatzeko Sailaren izenean eta kontura jardungo du; sail hori izango da, ondorio guztietarako, Foru Dekretu honetan ezarritako laguntzen emaillea.

13. oinarria. — Diru-laguntza ordaintzea

1. BEAZ, S.A.U., sozietatearen bitartez emango dira diru-laguntzak. Ordainketak proiektuaren gauzatze-mailaren arabera egingo dira proiektuaren justifikazio partzialak edo justifikazio osoa jaso ondoren; nolahi ere, 2022ko martxoaren 31 baino lehen justifikatu behar da, epe luzapena ebazpen espresu baten bidez eman denean izan ezik. Gehienez bi (2) ordainketa egingo dira.

2. Diru-laguntzaren azken justifikazioari dagokionez, emandako zenbatekoak BEAZ, S.A.U. sozietateri aurretiaz ordainduko zaizkio, ez sozietate horri ez erakunde onuradunei bermerik eskatu gabe.

3. Erakunde onuradunei egiten zaizkien ordainketak diruz lagun daitezkeen gastutzat jotzen diren justifikatutako gastuen proportzionalak izango dira, urteko bakoitzean ematen diren kopuruak gorabehera. Kopuru hori aldi bakoitzean eman dena baino txikiagoa izan daiteke, eta, hala badagokio, egindako gastuaren proportzionala den diru-laguntzaren azken doikuntza egin behar da.

4. BEAZ, S.A.U., erakunde onuradunari ordainketa egiteko, lankidetza-proiektuen kasuan egunean beteta izan behar ditu zerga-betebeharrak eta Gizarte Segurantzarekikoak. Hala ez bada, diru-laguntza itzultzeko eskatuko da, edo diru-laguntza kobratzeko eskubidea galdutzat joko da, 5/2005 Foru Arauaren 38. artikuluan ezarritako prozeduraren arabera.

II. TITULUA**DIRU-LAGUNTZENTZAKO XEDAPEN KOMUNAK****14. oinarria. — Diru-laguntza jaso dezaketen gastuetarako irizpide orokorrak**

1. Honako hauek dira diru-laguntza jaso dezaketen gastuak: indarrean dagoen araudiaren arabera behar bezala justifikatu direnak, betiere epearen barruan egin badira, beharrezkoak badira eta proiektuaren edo jardueraren izaerari eta garapen normalari erantzuten badiete.

2. Diru-laguntza jaso dezaketen gastuen kostuak ez dira onartuko baldin eta merkatuan duten balioa baino handiagoak badira.

3. Edonola ere, honako gastu hauek ez dute diru-laguntzarik jasoko:

- a) Diru-laguntzaren xedea den jarduerarekin inolako inola ere identifikatu ezin diren gastuak edo/eta deialdi bakoitzerako epearen barruan egiten ez direnak.
- b) Eskatzailearen eta hornitzailearen artean lotura dagoela erakusten duten gastuak. Ondorio horietarako, joko da lotura dagoela Sozietateen Gaineko Zergari buruzko abenduaren 5eko 11/2013 Foru Arauaren 42.3 artikulua eta Merkataritzako Kodearen 42-49 artikuluek ezarritako kasuetan.

4. 5/2015 Foru Arauaren 29.4 artikuluan ezarritakoarekin bat etorriz, ondasun inbentariagarriak erosteko, eraikitzeko, zaharberritzeko edo hobetzeko kasuetan, pertsona onuradunak ondasunak diru-laguntzaren xede zehatza betetzeko bideratzeko epea bost (5) urtekoa izango da, erregistro publikoan inskribatu daitezkeen ondasunen kasuan, eta bi (2) urtekoa, gainerako ondasunen kasuan. Erregistro publikoan inskribatu daitezkeen ondasunen kasuan, egoera hori aipatu egin beharko da eskrituran, bai eta emandako diru-laguntzaren zenbatekoa ere, dagokion erregistro publikoan erregistratu ere.



5. Gastuak diruz laguntzeko modukotzat jotzeko, erakunde onuradunak kontabilitate-erregistroa izan beharko du, dirulaguntza jaso duen proiektuari dagozkion sarrerak eta gastuak bereiz identifikatu ahal izateko. Horretarako, aparteko kontabilitate-sistema bat erabili ahal izango du, edo, bestela, proiektuari lotutako transakzio guztietarako egokia den kontabilitateko kode bat esleitu 1303/2013 (EB) Erregelamenduaren 125.4. artikuluan ezarritakoarekin bat).

15. oinarria. — Gastuen egokitzapena

Ekonomia Sustatzeko Sailak uste badu gastuen aurrekontua antzeko gastuen batez besteko kostuarekin alderatu eta gehiegizkoa dela, diru-laguntzaren oinarria murriztu ahal izango du, gastuentzako zenbateko egoki eta proportzionalera arte.

16. oinarria. — Diru-laguntza metaketa

1. Foru Dekretu honetan jasotako laguntzek edo diru-laguntzek 651/2014 (EE) Araudi Orokorrean xedatutakoa izango dute eta, ondorioz, arau hori ez betetzeak erantzukizun penal, zibil eta administratiboa ekar diezaioke arau-haustea egin duen enpresari.

2. Diruz lagun daitezkeen eta identifika daitezkeen kostuak ezin izango dira honako hauekin pilatu:

- a) Estatutik etorritako beste edozein laguntzarekin, baldin eta laguntza-neurri horiek diruz lagun daitezkeen eta identifika daitezkeen kostu ezberdinetakoak badira;
- b) Estatutik etorritako beste edozein laguntzarekin —zati batean edo oso-osorik— diruz lagun daitezkeen kostu berberekoak badira, bakarrik pilaketa horrek laguntzen intentsitatea edo araudi horren arabera laguntza horri ezarri beharreko laguntza-kopururik handiena gainditzen ez badu.

3. 651/2014 (EE) Araudi Orokorren bidez salbuetsita dauden laguntzak ez dira pilatuko diru-laguntza jaso dezaketen kostu berberei dagozkien minimis laguntzekin, pilaketa horrek araudi orokorraren III. kapituluaren eta foru dekretu honen 6. oinarrian ezarritako laguntzaren muga gainditzen badu.

17. oinarria. — Diru-laguntzen bateragarritasuna

1. Foru Dekretu honen itzalpean ematen diren laguntzak bateragarriak izango dira beste erakunde publiko edo pribatu batzuek kontzeptu beragatik ematen dituztenekin, beti ere Foru Dekretu honen 16. oinarrian aipatzen diren metatze-mugak gainditzen ez badira, ez eta 5/2005 Foru Arauaren 18.3 artikuluan ezarritakoa ere.

2. Bizkaiko Foru Aldundiko Ekonomia Sustatzeko Sailaren beste plan, programa edo jarduera-arlo batek diruz lagundutako gastuek ezin izango dute diru-laguntza jaso.

3. Nolanahi ere, diru-laguntzak jasotzen dituzten erakundeek Ekonomia Sustatzeko Sailari jakinarazi beharko diote beste diru-laguntzarik jaso duten, egun batean edo beste batean eman. Horrek guztiak hala behar du, diru-laguntzei buruzko 5/2005 Foru Arauaren 18.3 eta 4. artikuluetan aurreikusitako ondorioetarako. Horrela, beraz, beste diru-laguntzen edo laguntza ekonomikoen zenbatekoak zenbatetsi eta, proiektua finantzatzeko ehunekoa mantentze aldera, diru-laguntza esleitzeko ebazpena aldatu ahal izango da. Jakinarazpen hau jakin eta berehala egin beharko da eta, edozein kasutan, jasotako funtsen erabilera justifikatu baino lehen.

4. Ekonomia Sustatzeko Saila beste finantzatzaileekin harremanetan jarri ahalko da baterako finantzaketa adosteko.

18. oinarria. — Laguntzaren publizitatea

1. Foru Dekretu honen babesean emandako laguntzen onuradun direnek, Bizkaiko Foru Aldundiak emandako laguntzaren publizitatea egin beharko dute diruz lagundutako jarduketa ororen zabalkunde-ekintza guztietan, hala ezarrita baitago Dirulaguntzei buruzko 5/2005 Foru Arauaren 17.3. artikuluan. Halaber adierazi beharko dute Eskualde Garapeneko Europako Funtsen (EGEF) kofinantzazioa izan dutela, 1303/2013 (EB) Erregelamenduaren XII. eranskinaren 2.2 apartatuan ezarritakoarekin bat.



2. Proiektuaren finantzazioaren izaera publikoari buruzko publizitate egokia —euskarri informatikoetan zein bestelakoetan— egiteko, esaldi hau sartu beharko da: «Bizkaiko Foru Aldundiak finantzatu du proiektu hau, 2020ko 3i Programaren barruan eta FEDER funtsaren kofinantziazioa ere badauka / Este proyecto ha sido financiado por la Diputación Foral de Bizkaia dentro del Programa 3i 2020 y cuenta con cofinanciación del FEDER». Bizkaiko Foru Aldundiaren eta Europar Batasunaren ikur ofizialak ere sartu beharko dira. Beren beregi debekatuta dago beste edozein esaldi edo irudi erabiltzea Bizkaiko Foru Aldundiari erreferentzia egiteko.

3. Erakunde onuradunek proiektuari buruzko informazioa erakusten duen kartela jarriko dute (gutxienez A3 tamainakoa), eta, jendeak ondo ikusteko lekuan, jasotako laguntzaren aipamena jasoko dute. Era berean, aktibo materialen (instalazioak, makinak, ekipoak,...) finantzazioari dagokionez, aktibo bakoitzean kartel bat edo itsasgarri bat jarriko da, jasotako laguntzaren aipamenarekin.

4. Bizkaiko Foru Aldundiaren maiatzaren 28ko 63/2019 Foru Dekretuaren 13.3. eta 13.4. artikuluetan ezarritakoarekin bat (haren bidez, Bizkaiko Foru Aldundiaren, haren erakunde autonomoen eta foru-sektore publikoaren jardun-eremuan hizkuntza ofizialak erabiltzeko irizpideak ezartzen dira), dirulaguntzaren bat jasotzen duten elkarte edo entitateek euskara erabili beharko dute diruz lagundutako jardueraren barruan egindako agerpen publiko orotan. Halaber, pertsona edo erakunde onuradunek bi hizkuntza ofizialak erabili beharko dituzte herritarrei beren jardueraren berri emateko egiten dituzten liburuxketan, karteletan edo bestelakoetan.

5. Bizkaiko Gardentasunari buruzko otsailaren 17ko 1/2016 Foru Arauaren 2. artikuluen arabera, arau horren 8., 9. eta 10. artikuluetan jasotako gardentasun eta publizitatearen inguruko betebeharrak erakunde pribatu hauei aplikatuko zaizkie: aurrekontu-ekitaldi batean zehar Bizkaiko Foru Aldundiaren 100.000 euro edo gehiagoko laguntzak edo diru-laguntzak jasotzen dituztenei edo urteko diru-sarreraren % 40 Aldundiaren laguntzetatik edo diru-laguntzetatik jasotzen dutenei, betiere gutxienez 5.000 euro badira.

19. oinarria. — Diru-laguntzen argitaratzea

1. Diru-laguntzak ematen diren urte naturala amaitu ondorengo lehen hiruhilekoa bukatu aurretik, ebazpenaren laburpen bat argitaratuko da Bizkaiko Aldizkari Ofizialean.

2. FEDER Eskualde Garapenerako Europako Funtsaren arautegiari jarraituz, Foru Dekretu honetako laguntzak onartzeak berekin dakar datuak zerrenda publiko batean sartuko direla onartzea: alegia, Euskal Autonomia Erkidegoko FEDER 2014-2020 programa eragilearen eragiketen zerrendan.

3. 651/2014 (EE) Araudi Orokorraren 9. Eta 11. artikuluei jarraituz, Foru Dekretu honetako laguntzak onartzeak berekin dakar datuak estatuko laguntzen datu basean sartuko direla onartzea.

III. TITULUA

DIRU-LAGUNTZAK ESLEITZEKO PROZEDURA

20. oinarria. — Emateko prozedura

1. Diru-laguntzak norgehiagokako araubidearen arabera esleituko dira, hautaketa-prozedura bakarren bidez, urte horretan diru-laguntza egitarau honentzat deialdi bat baino gehiago onartzeko aukeraren kaltetan jo gabe.

2. Foru Dekretu honen ondorioetarako, hauxe hartzen da norgehiagokatzat: diru-laguntzak emateko prozesu honetan aurkeztutako eskabideak alderatu egiten dira, arlo eta atal bakoitzean ezarri diren balorazio-irizpideekin bat etorri haien artean hurrenkera bat ezartzeko. Horrela, deialdi honen barruan eskura daitekeen kreditua muga moduan ezarrita, baloraziorik handiena lortu duten eskabideek jasoko dute diru-laguntza.

**21. oinarria. — Eskabideak nola aurkeztu**

1. Eskabidea Internet bidez aurkeztu behar da, atal guztiak behar bezala beteta, Bizkaiko Foru Aldundiaren web orrian (www.bizkaia.eus), Ekonomia Sustatzeko Sailaren bulego birtualari dagokion atalean.

2. Horrela bada, eskabideak bide telematikoen bidez aurkeztu behar direnez, enpresa interesdunek aldeztu aurretik sinadura elektronikoa izan beharko dute (izenpe, NAN elektronikoa, FEA,...), edo B@kQ ziurtagiri elektronikoa. Hauxe eskatu beharko dute Ekonomia Sustatzeko Sailean (Orueta Apezpikua kalea, 6., Bilbo). Alta prozeduraren gaineko informazioa eskuragarri dago Ekonomia Sustatzeko Sailaren bulego birtualeko aipatu atalean.

3. Eskabidea aurkezteko ezinbestekoa izango da erakundea Ekonomia Sustatzeko Sailaren erakundearen erregistroan alta emanda egotea (61/2010 Foru Dekretua, apirilaren 27koa. Bizkaiko Aldizkari Ofizialean 80 zenbakia, 2010eko apirilaren 30ekoa). Egoera horretan ez badago, erakundeak inskribatzeko eskaera bete beharko du, diru-laguntza eskabidea izapidetu baino lehen.

4. Nolanahi ere, instrukzioaz arduratzen den organoak elkarrekin zerikusia duten eskabideak taldekatu edo banakatu ditzake, eskabideok ondo aztertu eta ebaluatzeko eta diru-laguntzaren xedeko jarduerara ondoen egokitzen den egitate lagungarria zehazteko neurri egokia dela irizten badiu.

5. Eskatzaileak, diru-laguntzarako eskabidea aurkeztean, baimena ematen dio organo instruktoreari, 3. oinarriak aipatu inguruabarren egiaztapena zuzenean lor dezan; hori, martxoaren 23ko 34/2010 Foru Dekretuaren bidez onetsi zen Diru-laguntzen Erregelamenduaren 17.1. artikuluan eta Datu Pertsonalen Babesari eta Eskubide Digitalen Bermeari buruzko abenduaren 5eko 3/2018 Lege Organikoan (aurrerantzean 3/2018 Lege Organikoan) xedatutakoarekin bat etorritik, telematikako ziurtagiri egokiaren bidez egin daiteke.

6. Eskabideekin batera 11. oinarrian ezarritako agiriak aurkeztu beharko dira; ares-tian aipatu bulego birtualean agiriak eransteko dagoen sistema erabiliko da.

22. oinarria. — Laguntzak emateko prozedura antolatu, aztertu eta ebatziko duten organo eskudunak

1. Diru-laguntzetarako eskaerak Berrikuntza Zerbitzuak izapidetuko ditu, eta, eskaerok ebazteko, Ekonomia Sustatzeko Saileko arduradunak esanbidezko ebazpena emango du, Ekintzailetza eta Enpresen lehiakortasuna bultzatzeko Zuzendaritza Nagusiak hala proposaturik.

2. Emakida prozedura antolatzeko, bideratzeko eta ebazteko organo eskudunak osatzerako orduan, kontuan hartu beharko da bi sexuen artean ordezkartza ordezkartuta dagoela; horrek esan nahi du bi sexuek ordezkartzearen bat eduki beharko dutela, 4/2005 Legearen 20. artikulua eta 4/2018 Foru Arauaren 44. artikulua aurreikusitakoari jarraiki.

23. oinarria. — Txostenaren instrukzioa

1. Eskabideen espedienteak honelaxe izapidetuko dira:

- a) Instrukzioaz arduratzen den organoak ezarri diren eta pertsona edo erakunde onuradun gertatzeko ezinbestekoak diren baldintzak betetzen direla egiaztatuko du.
- b) Eskabideak behar bezala beterik ez badaude edo deialdietan aipaturiko agiriak erantsita ez badituzte, eskabidea aurkeztu duen enpresari agindeia egingo zaio instrukzioaz arduratzen den organoak jakinarazpena egin eta biharamunetik zenbatzen hasiko den hamar (10) asteguneko epean akatsa konpon dezan edo behar diren agiriak aurkez ditzan; eta ohartaraziko zaio, hori egiten ez badu, eskaera bertan behera utzi duela uste izango dela berariaz emango den ebazpenaren bitartez, 39/2015 Legearen 21. eta 68. artikuluetan xedatutakoaren arabera.



2. Nolanahi ere, organo instruktoreak aurkeztu diren eskabideak behar bezala ulertu eta ebaluatzeko beharrezkotzat hartzen dituen agiri edota argibide guztiak eskatu ahal izango dizkie eskabidea aurkeztu duten erakunde eskatzaileei.

24. oinarria. — Eskabideen ebaluazioa

Eskabideak ebaluatuko dituen erakundeak behin betiko ebazpen proposamena egingo du. Proposamen horrek ez die inolako eskubiderik emango proposamen horretan bertan onuradun ageri diren pertsonen edo erakundeen.

25. oinarria. — Ebazpen proposamena

1. Ebaluazioa egindakoan organo instruktoreak egiaztatuko du eskaera egin duen pertsonak edo erakundeak Gizarte Segurantzarekiko betebeharrak egunean dituela, baina aurretik eskabidea egin behar zaio Gizarte Segurantzaren Diruzaintza Nagusiari. Halaber, pertsona edo entitate eskatzailearen zerga egoeraren egiaztagiria eskatuko dio Ogasun eta Finantza Sailari.

2. Behin egiaztatuta, instrukzioaz arduratzen den organoak Ekintzailatza eta Enpresen lehiakortasuna bultzatzeko Zuzendaritza Nagusiari ebazpen proposamena igorriko dio.

26. oinarria. — Aurrekontuaren muga

Aurreko artikuluan aipatutakoarekin bat etorritik, aurkeztutako eskabide guztietatik aurrekontu-partidan aurrekontuek ahalbidetzen dituzten bezain beste hautatuko dira.

27. oinarria. — Ebazteko epea

1. Foru Dekretu honen itzalpean aurkeztu diren eskabideak ebazteko gehieneko epealdia 6 hilabetekoa izango da deialdi bakoitzeko eskaerak aurkezteko epea amaitzen denetik.

2. Organo eskudunak, nolanahi ere, aurkeztutako eskabide guztientzako ebazpena eman behar du nahitaez. Ebazpenerako eta jakinarazpenerako epea amaitu bada eta aipatutako organoak ebazpena eman ez badu, administrazio-isiltasunaren ondorioz eskabideari gaitz iritzi zaiola ulertuko da, horrela xedatzen 39/2015 Legearen 25. artikuluan.

28. oinarria. — Ebazpena

1. Ekintzailatza eta Enpresen lehiakortasuna bultzatzeko Zuzendaritza Nagusiak Ekonomia Sustatzeko foru diputatuari igorriko dio ebazpen proposamena, eta hark ebartziko du dagokion foru aginduaren bidez.

2. Lehia erregimenean emango diren laguntzei dagozkien ebazpenak onartutako eta ukatutako laguntzak ekarriko ditu. Horrez gain, pertsona edo erakunde onuradun izateko Foru Dekretu honetan ezarri diren baldintza administratiboak eta teknikoak betetzen dituzten, baina deialdiari dagokion kredituaren gehieneko zenbatekoa gainditu izanagatik onartu ezin izan diren eskabideak ere ekarriko ditu. Aurreikusitako balorazio-irizpideen arabera, eskaera bakoitzari esleitutako puntu-kopurua adieraziko da.

3. Diru-laguntza ematen duen ebazpenean baldintza bereziak ezarri ahalko dira, Foru Dekretu honetan edo dagokion deialdian xedatutakoa proiektuen izaera bereziari edo bestelako inguruabarrei egokitze aldera beharrezkoa irizten bazaio.

4. Ebazpena interesdunei jakinaraziko zaie, 39/2015 Legearen 40. eta hurrengo artikuluetan ezarritakoa betez.

5. Ebazpenaren jakinarazpena jaso ondoren, onuradun gertatu den pertsonak edo erakundeak hamar (10) laneguneko epea du —jakinarazpena jaso eta hurrengo egunetik zenbatzen hasita— baiezkotzeko emateko. Epe hori amaitu eta interesdunek ez badute ezer adierazi, ebazpena onartu dela ulertuko da.

29. oinarria. — Errekurtsoak

1. Ebazpenak administrazio bidea agortzen du. Beraren aurka berraztertze errekurtsoa jarri ahal izango da, Ekonomia Sustatzeko Saileko titularrari ebazpena jakinarazi



eta hurrengo egunetik hilabete pasatu baino lehen, 39/2015 Legean ezarritakoarekin bat etorri.

2. Halaber, Administrazioarekiko auzi-errekurtsoa aurkeztu ahal izango da halako errekurtsoen bidezko jurisdikzioan jakinarazpena jaso eta hurrengo egunetik bi hilabete pasatu baino lehen, Administrazioarekiko auzien jurisdikzioa arautu duen uztailaren 13ko 29/1998 Legean xedatutakoarekin bat etorri. Ezin dira bi errekurtso horiek aldi berean jarri.

30. oinarria. — Diru-laguntzari uko egitea

1. Onuradun gertatu diren pertsonetako edo erakundeetakoren batek diru-laguntzari uko egingo balio, diru-laguntza eskaintzen duen organoak zerrendan, puntu ordenari jarraiki, hurrengo dauden pertsona edo erakunde eskatzaileei emango lieke, baldin eta eskabide horiei aurre egiteko kreditu nahikorik balego.

2. Diru-laguntza ematen duen organoak aukera horren berri emango die interesdunei, hamar eguneko epean diru-laguntza proposamena onets dezaten. Epe hori, gainera, ezin izango da luzatu. Diru-laguntza eskatu duen pertsona edo erakundeek proposamena onartzen dutenean, administrazio-organoak laguntza emateko egintza ezarri eta jakinarazpenak egingo ditu.

3. Uko egitea aurkezteko gehienezko epea hamar (10) laneguneko izango da, erakunde interesdunari diru-laguntza proposamena jakinarazten zaionetik hasita. Epe hori igaro ondoren, uko egitea diru-laguntza emateko arrazoi izan diren baldintzak ez-betetzea dela joko da.

31. oinarria. — Jakinarazpen elektronikoa

1. Ekonomia Sustatzeko Sailak interesdunei jakinarazpenak egitean, bide elektronikoak erabili beharko ditu, 39/2015 Legearen 40. eta hurrengo artikuluen arabera.

2. Bitarteko elektronikoen bidez egiten diren jakinarazpenak Bizkaiko Foru Aldundiaren egoitza elektronikoan (<https://www.ebizkaia.eus>) bertaratuz egin beharko dira, Administrazio Elektronikoari buruzko Bizkaiko Foru Aldundiaren maiatzaren 5eko 62/2015 Foru Dekretuaren arabera, eta Herri Administrazioarako eta Erakunde Harremanetarako foru diputatuaren ekainaren 6ko 4841/2016 Foru Aginduaren arabera (foru agindu hori jakinarazpenak eta komunikazioak Bizkaiko Foru Aldundiaren egoitza elektronikoan agertzeko sistemaren bidez egiteari buruzkoa da).

IV TITULUA

DIRU-LAGUNTZEN KUDEAKETA ETA EGIAZTAPENARI BURUZKO XEDAPEN OROKORRAK

32. oinarria. — Azpikontratazioa

1. Pertsona edo erakunde onuradun batek azpikontratazioa egin duela ulertuko da diru-laguntzaren xedea den jarduera zati batez edo osorik egitea beste norbaitekin kontratatzen duenean. Kontzeptu honetatik kanpo geratuko da pertsona edo erakunde onuradunak berak bakarrik diruz lagundutako jarduera egiteko dauzkan gastuak kontratatzea. Ondorioz, makinak, ekipamendua eta material suntsigarriak erostea, diruz lagundutako jardueraren barruan lan zehatzak egiteko kanpoko zerbitzuak kontratatzea, eta diruz laguntzen den jardueraren beste gastu osagarri batzuk egitea ez da azpikontratazioztat joko.

2. Diruz laguntzen diren zerbitzu edo proiektuetako jardueren %100eraino azpikontratatu ahal da, baldin eta 5/2005 Foru Arauaren 27. artikuluan ezarritako baldintzak eta debekuak errespetatzen badira.

3. 4/2005 Legean eta 4/2018 Foru Arauan xedatutakoaren arabera, diru-laguntzaren xedea gauzatzeko agindua jasotzen duten erakundeek bietan ezarritako printzipio orokorrak eta 4/2018 Foru Arauaren 46. artikuluan jasotako betebeharrak errespetatu beharko dituzte.



4. Diru-laguntzaren erakunde onuradunak diru-laguntzari dagokion jardueraren zati bat hirugarrenekin ituntzen dituenean, jarduera diru-laguntzaren zenbatekoaren %20 baino gehiago bada eta, gainera, azpikontratazioaren prezioa 60.000 euro baino gehiagokoa bada, erakunde onuradunak Bizkaiko Foru Aldundiari eskatu beharko dio azpikontratazio hori egin ahal izatea; horretarako, haren baldintza nagusiak eta zein erakunderekin itundu den jarduera burutzea adierazi beharko dira. Ekintzailatza eta Enpresen lehiakortasuna bultzatzeko Zuzendaritza Nagusiak ebatziko du eskabidea, hamabost (15) eguneko epean. Epe horretan berariazko ebazpenik eman ezean eskabideari oniritzi zaiola pentsatuko da.

33. oinarria. — Eskaintza aukeratzea

1. Diru-laguntza jaso dezakeen gastuaren zenbatekoa azaroaren 8ko 9/2017 Sektore Publikoko Kontratuei buruzko Legean kontratuak txikitat hartzeko finkatzen diren zenbatekoa (40.000 eurotik beherakoa, obra-kontratuak badira eta 15.000 eurotik beherakoa, hornitze- edo zerbitzu-kontratuak badira) baino gehiagokoa bada, pertsona onuradunak hiru hornitzailearen eskaintzak eskatu beharko ditu gutxienez, zerbitzua egiteko edo ondasuna emateko konpromisoa hartu baino lehen. Hori ez da beharrezkoa izango baldin eta, diru-laguntza jaso dezaketen gastuen ezaugarri bereziengatik, merkatuan ondasun eta zerbitzuok hornitu edo egiten dituen hainbeste entitaterik ez badago, edo gastua diru-laguntza eskatu baino lehen egin bada.

2. Aurkeztutako eskaintzak egiaztatgiriaren edo, egotekotan, diru-laguntzaren eskaerari aurkeztu behar dira. Eskaintza horien arteko aukeraketa eraginkortasun eta ekonomi irizpideen arabera egingo da. Proposamenik merkeena ez baldin bada aukeratzeko, zergatia memoria batean berariaz bidezkotu behar da.

34. oinarria. — Jarraipena

1. Foru Dekretu honetan aurreikusten diren diru-laguntzak eskuratuko dituzten pertsonak edo erakundeek lagunduko diren jarduerak gauzatu direla eta diru-laguntza jasotzeko baldintzak betetzen dituztela agiri bidez frogatu beharko dute. Hori guztia egin beharko dute Foru Dekretu honetan, dagokion deialdian nahiz esleipena dakarren foru aginduan aurreikusten den moduan eta Ekonomia Sustatzeko Sailak nahiz, kasuan kasu, dagokion erakunde laguntzaileak eskatzen duen unean frogatu beharko dira.

2. Hala, 4/2005 Legean eta 4/2018 Foru Arauan xedatutakoaren arabera, diru-laguntza jasoko duten pertsona edo erakundeek bietan ezarritako printzipio orokorrak errespetatu beharko dituzte.

3. Justifikazioa ez bada ezarritako epean aurkezten, diru-laguntza itzultzeko eskatuko da, eta 5/2005 Foru Arauan ezarritako gainerako erantzukizunak ere eskatuko dira. Izan ere, foru arau horretan arautzen da Foru Administrazioak emaniko diru-laguntzen araubide juridiko orokorra. Kasu horietan, onuradun gertatu den pertsonak edo erakundeak jaso duen eta frogatu ez duen diru-kopurua bueltatu beharko du, baita dagokion berandutze-interesa ere.

4. Diru-laguntza ematen duen organoak emate-erabakia ofizios aldatu ahal izango du funtsak aplikatu aurretik eta interesdunak esan beharrekoa entzun ondoren. Erabakia ofizios aldatu ahal izango da diru-laguntza emateko betekizunetako bat aldatu egin bada eta, ondorioz, xedetzat hartu izan den interes publikoa bete ezin bada edo betetzeko zailtasunak izan baditu eta, bide batez, onuradun gertatu den pertsonari edo erakundeari kalte ekonomikoak eragin ez bazaizkio.

5. Organo instruktoreak entzunaldien egutegia ezar dezake Egitaraura aurkeztu diren proiektuen organo instruktorearen aurrean nahi izanez gero azalpenak aurkezteko.

6. Onuradun gertatu diren pertsonak edo erakundeak, halaber, laguntza ematen duen erakundeari diru-laguntzak emateko ebazpena aldatzeko eska diezaiekete diruz lagundutako jarduera gauzatzeko epea amaitu aurretik, betiere aipatu berri dugun aldatetaren bidez aldeztu aurretik ezarritako epeak luzatu nahi badira, emandako diru-laguntzaren zenbatekoa murriztu nahi bada edo jardueraren barne dauden egintzak aldatu nahi badira. Eskaera horiek baimena jasoko dute aurretik ikusi ez diren baldintzak ger-



tatzen badira, betiere diru-laguntzaren xedea aldatzen ez bada eta hirugarren pertsonen eskubideak urratzen ez badira.

7. Halaber, Ekonomia Sustatzeko Sailak eskatu ahal izango dizkio Programaren emaitzak egoki ebaluatzeko beharrezkotzat jotzen dituen agiri edota informazio osagarriak entitate onuradunari lagundutako proiektuaren amaieratik eta hurrengo hiru urteetan.

35. oinarria. — Justifikatzeko modua

1. Diru-laguntzak ezarritako agiriak aurkeztuz justifikatu behar dira.
2. Justifikazioa Internet bidez aurkeztu behar da, atal guztiak behar bezala beteta. Horretarako, galdetegi bat bete behar da, Bizkaiko Foru Aldundiko web orrian (www.bizkaia.eus), Ekonomia Sustatzeko Sailaren bulego birtualari dagokion atalean.
3. Justifikazioa egiteko epea igarota, ez bada justifikaziorik aurkeztu organo instrukzio-egilearen aurrean, organoak erakunde onuradunari eskatuko dio hamabost (15) eguneko epean aurkez dezala. Epe hori ezingo da luzatu. Justifikazioa ez bada ezarritako epean aurkeztu, diru-laguntza itzultzeko eskatuko da, 5/2005 Foru Arauaren 37. artikuluan eta hurrengoetan ezarritako gainerako erantzukizunak ere eskatuko dira.

36. oinarria. — Baldintzak aldatzea

Pertsona edo erakunde onuradunak jakinarazi beharko du diru laguntza ematean aintzat hartu ziren edozein inguruabar objektibo zein subjektiboren gaineko gertatu diren aldaketa guztiak.

Pertsona edo erakunde onuradunak, bidezkoketa egiterakoan, azaltzen badu diru-laguntza emateko kontuan izan diren baldintzetan aldaketaren bat gertatu dela eta horrek ebazpena aldatzea ekar lezakeela, Foru Dekretu honen 34. oinarrian araututakoarekin bat etorritik, hura onetsi aurretik egin beharreko administrazio baimeneko izapidea bete gabe, diru-laguntzak ematen dituen organoak aurkeztu den bidezkoketa onartuko du; horrek, ordea, ez du pertsona edo erakunde onuraduna salbuetsiko 5/2005 Foru Arauaren arabera dagozkion zehapenetatik.

V. TITULUA

DIRU-LAGUNTZAK ITZULTZEA ETA ARAU HAUSTE ADMINISTRATIBOAK

37. oinarria. — Diru-laguntza erakunde onuradunak berak itzultzea

1. Borondatezko itzulketa da onuradunak Administrazioaren inolako aldeztasunirik gabe egiten duena.
2. Borondatezko itzulketa egiten denean, Administrazioak dagozkion berandutze-interesak kalkulatu ditu, 5/2015 Foru Arauaren 34. artikuluan ezarritakoaren arabera eta onuradunak itzulketa benetan egin duen unera arte.
3. Onuradunak berak eskatuta diru-laguntza itzultzeko, Bizkaiko Foru Aldundiaren eredu ofizialaren arabera ordainketa-gutuna erabili behar da; gutun hori Ekonomia Sustatzeko Sailaren bulegoetan (Orueta apezpikuaren kalea 6, Bilbo) egingo da.

38. oinarria. — Ez betetzeak

Foru Dekretu honetan nahiz aplikatu daitezkeen bestelako arauetan ezarri diren baldintzak zein, kasuan kasukoa, ebazpenean ezartzen direnak betetzen ez badira, jasotako zenbatekoak itzuli egin beharko dira; baita, kasuan kasukoa, kopuru horien interesak ere. Halaxe adierazten baita Foru Administrazioak ematen dituen diru-laguntzen araubide juridiko orokorra arautzen duen 5/2005 Foru Arauaren II eta IV tituluetan, dagozkion legezko ekintzen eta zehapenen kalterik gabe. Aipatutako zenbatekoak, diru-sarrera publikotzat hartuko dira ondorio guztietarako.

**39. oinarria. — Ez betetzeak gauzatzeko irizpideak**

1. Beste diru-laguntza batzuk ere jaso, eta gain-finantzazioa gertatuko balitz, gehiegizko diru-kopurua itzuli beharko du, halaxe ezartzen baita 5/2005 Foru Arauaren 18.3 artikuluan. Kopuru horri, gainera, dagokion berandutza-interesa aplikatuko zaio.

2. Emandako diru-laguntzaren zenbatekoa eskatzaileak aurkeztutako aurrekontu baten gaineko ehuneko bat aplikatuta lortzen denez, behin betiko kostu osoa hasierako aurrekontua baino txikiagoa bada, honako hau itzuli behar da: hasierako aurrekontuaren gaineko ehuneko hori aplikatuta lortutako kopuruari behin betiko kostua kentzearen ondorioz finantziazio publikoan sortutako soberakina.

3. Baldintzetako bat edo batzuk ez betetzeak edo epearen barruan jardueraren zati bat bakarrik egiteak (betiere, zalantza barik egiaztatzen bada onuradunak konpromisoak betetzeko asmoa duela) diru-laguntzaren zati bat bakarrik ordaintzea ekarriko du edo, hala badagokio, diru-laguntzaren zati bat itzuli behar izatea. Itzulketa hori kalkulatzeko, jarduera osotik hartutako zatiaren proportzio bera erabiliko da.

4. BEAZ, S.A.U., sozietateari badagokio funtsak banatzea eta justifikatutako gastua aurrekontuko gastua baino txikiagoa izateagatik itzultzeko espediente bat ebatzi bada, ebazpen hori erakunde laguntzaileari jakinaraziko zaio, sobera geratutako funtsak itzul ditzan. Kasu horretan, ez da interesik aplikatuko.

5. Administrazioak eginiko egiaztapen edo finantza-kontrol baten ondorioz ikusten bada eginiko gastuetako batzuk edo guztiak ordaindu gabe daudela eta hartzekodunek eskatzeko eskubidea dutela, itzulketa eskatuko da, proportzionaltasun-printzipioa aplikatuta. Kasu horretan, diru-laguntza jaso dezaketen egotzitako gastu guztietatik ordaindu gabeko gastuek osatzen duten proportzioaren arabera izango da diru-laguntzaren itzulketa.

40. oinarria. — Zehapen-prozedura

1. 5/2005 Foru Arauaren IV. tituluan ezarritakoa bete beharko da.

2. 39/2015 Legean ezarritakoari jarraituko zaio, bai eta Euskal Autonomia Erkidegoko Herri Administrazioen zigortzeko ahalmenari buruzko otsailaren 20ko 2/1998 Legean xedatutakoari ere, aurrekoari aurka egiten ez dionean.

41. oinarria. — Deslokalizazioa

1. Enpresa eta erakunde onuradunek enpresako deslokalizaziorik ez egiteko konpromisoa hartzen dute; deslokalizaziotzat Enpresako deslokalizazio kasuetan foru sektore publikoko laguntzak berreskuratzeari buruzko martxoaren 27ko 7/2007 Foru Arauan xedatutakoa jotzen da; foru araua Foru Dekretu honek araututako diru-laguntzentzat guztiz aplikagarria izango da.

2. Konpromisoa ez betetzea Bizkaiko Foru Aldundiaren akordioaren bidez ebatziko da, eta emandako diru-laguntza itzuli behar izateko zioa izango da, aipatu foru arauan xedatutako prozedura aplikatuz.

XEDAPEN IRAGANKORRAK**Xedapen Iragankorra Bakarra. — Jakinarazpen elektronikoa**

31. oinarrian ezarritako jakinarazpen elektronikoari buruzko betebeharrari dagokionez, jakinarazpena egiten denean bitarteko elektronikoen bitartez egiteko prozedura ez badago teknikoki amaituta, jakinarazpena paperean egingo da, posta ziurtatuaren bidez.

AZKEN XEDAPENAK**Azken Xedapena Lehena. — Ezarri beharreko arautegi orokorra**

1. Foru Dekretu honetan aipatutako laguntzei dagokienez, aginduzkoak izango dira foro dekretu honetako xedapenak, laguntzak emateko foru aginduetan ezartzen diren gainerako baldintzak, 5/2005 Foru Arauaren xedapenak eta Dirulaguntzen Erregelamendua, eta estatuko edo erkidegoko gainerako arau aplikagarriak.



2. Era berean, 39/2015 Legea erabiliko da, eta 651/2014 (EE) Araudi Orokorra ere erabiliko da.

3. Interesdunak ematen dituen datuak Foru Dekretu honetatik eratortzen diren prozedurak kudeatzeko erabiliko dira, kontuan harturik zer ezartzen den honako araudi honetan: 2016/679 Erregelamendua (EB), 2016ko apirilaren 27koa, Europako Parlamentuarena eta Kontseiluarena, datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa, eta 3/2018 Lege Organikoan. Datu horiek inola ere ez dira erabiliko, eta ez zaizkie hirugarren batzuei lagako, interesdunak argi eta garbi ados dagoela adierazi ezean edo goian aipaturiko araudian ezartzen diren kasuetan izan ezik. Araudi horretan xedatzen dena betetzeko, interesdunak honako eskubide hauek baliatu ahal izango ditu datuen tratamenduaren arduradunaren aurrean: datuak eskuratzeko, zuzentzeko, ezerezteko («ahaztua izateko eskubidea»), haien tratamendua mugatzeko eta datuok eramangarri izateko eskubideak, bai eta tratamendu automatizatuan soilik oinarrituriko erabakirik ez jasatekoa (barne harturik profilen sorrera), baldin eta erabakiak eragin juridikoak badakarzkio edo, modu bertsuan, beragan eragin nabarmenik badu. Era berean, edozein momentutan erreboka dezake lehen adierazitako onarpena. Halaber izango du eskubidea erreklamazioa aurkezteko Datuen Babesaren Kontrol Agintaritzaren aurrean.

Azken Xedapena Bigarrena. — Arauen garapena

Ekonomia Sustatzeko Saileko diputatuak ahalmena izango du honako Foru Dekretu hau garatzeko beharrezkotzat jotzen dituen xedapen guztiak emateko, bai eta, aurrekontu-zuzkidura amaitu ezean, deialdi berriak egiteko ere.

Azken Xedapena Hirugarrena. — Aurrekontuko zuzkidura

1. Deialdi honetan eman daitezkeen laguntzak eta onurak, guztira 5.300.000,00 euro, jarraian zerrendatuko diren aurrekontu partidetan, aurrekontu proiektu eta urtekoetatik ordainduko dira; gutxi gorabeherako kopuruetan banakatuta agertuko dira, eta muga partida bakoitzean ezarritako guztizko kopurua izango da, betiere Bizkaiko Lurralde Historikoko dagokion aurrekontu orokorrean kreditu egokia eta nahikoa badago:

08.02/44300/426.107	
Proiektu zk.: 2015/0025	
Ekitaldia	Zenbatekoa (€)
2020	500.000,00
2021	100.000,00
GUZTIRA	600.000,00

08.02/74300/426.107	
Proiektu zk.: 2015/0025	
Ekitaldia	Zenbatekoa (€)
2020	2.700.000,00
2021	2.000.000,00
GUZTIRA	4.700.000,00

2. Aurrekontuei buruzko abenduaren 29ko 5/2006 Foru Arauaren testuategina onartzen duen abenduaren 3ko 5/2013 Foru Dekretu Arauemailearen 56. artikuluan ezarritakoaren babesean, Foru Dekretu hau aurretik izapidetzen da, eta, horrenbestez, deialdi honetan ageri den gehienezko zenbatekoa gutxi gorabeherakoa da. Ondorioz, diru-laguntzak emateko, beharrezkoa izango da kreditu egokia eta nahikoa egotea arlo bakoitzeko eskubideak ebazten direnean.



3. Aurrekontuko partidei esleitutako kopuruak gutxi gorabeherakoak dira. Onartzen diren eskabideen arabera —pertsona eta erakunde onuradunen izaera juridikoak eta diruz lagundutako gastuen kontzeptuak askotarikoak izan daitezke—, aurrekontuko partidei esleitutako baliabide ekonomikoak egokitu ahal izango dira. Horretarako, ez da beharrezkoa izango Foru Dekretu hau aldatzea, betiere partiden zenbateko osoak ezarritako muga gainditzen ez badu.

4. Horrez gainera, eskabide guztiak ebatzi ondoren aurrekontuaren gehieneko mugara heltzen ez bada, sobera geratutako zenbatekoa gastatzeko baimena ezeztatu egingo da, eta horretarako ez da beharrezkoa izango Foru Dekretu hau aldatzea.

5. Dirulaguntzen erregelamenduaren 43. artikulua babesean aurrekontuko zuzkiduren guztizko zenbatekoa areagotu ahal izango da, gehienez ere 1.000.000,00 euro gehituz, baldin eta eskuragarri dauden kredituak areagotu badira kreditua handitzea onartu delako edo kreditua sortu edo gehitu delako edo baldin eta kopuru osagarri bat badago aurreko deialdietan aurkeztutako eskaeren zenbatekoa aurrez ikusitakoa baino txikiagoa izan delako; kasu horietan, kreditu osagarri hori soilik izango da eraginkorra baldin eta kreditu horren erabilgarritasuna adierazita badago. Adierazpen hori dirulaguntza emateko ebazpena eman aurretik egin beharko da. Organo eskudunak baimenduko du kopuru handitze hori.

Azken Xedapena Laugarrena.— Indarrean jartzea

Foru Dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2020ko otsailaren 4an.

Ahaldun Nagusia,
UNAI REMENTERIA MAIZ

Ekonomia Sustatzeko foru diputatua,
AINARA BASURKO URKIRI

**I. ERANSKINA**

Foru Dekretu honetako 3. oinarrian adierazitakoaren arabera, onuradun izateko, beste baldintza batzuen artean, enpresek EJSN - 2009ko (apirilaren 13ko 475/2007 Errege Dekretua, apirilaren 28ko 102. BOEan argitaratua) epigrafe hauetakoren batean inskribatuta eduki behar dute euren jarduera ekonomiko nagusia:

- B atala: Erauzketako industriak.
- C atala: Manufaktura-industria.
- D atala: Indar elektriko, gas, lurrun eta aire girotuko hornitura.
- E atala: Ur hurnidura, saneamendu jarduerak, hondakinen kudeaketa eta deskontaminazioa.
- F atala: Eraikuntza (talde hau izan ezik):
 - 41.1. taldea: Higiezinaren sustapena.
- G atala: Handizkako eta txikizkako merkataritza; ibilgailu motordunen eta motozikleten konponketa (multzo hau izan ezik):
 - 47. multzoa: Txikizkako merkataritza, motordun ibilgailuak eta motozikletak izan ezik.
- H atala: Garraioa eta biltegiatzea.
- I atala: Ostalaritza (talde hau izan ezik):
 - 56.3. taldea: Edaritegiak.
- J atala: Informazioa eta komunikazioak.
- M atala: Jarduera profesionaletan, zientifiko eta teknikoak.
- N atala: Administrazio jarduerak eta zerbitzu lagungarriak (multzo hau izan ezik):
 - 80. multzoa: Segurtasun eta ikerketa jarduerak.
- P atala: Hezkuntza (multzo hau baino ez):
 - 85.6. multzoa: Hezkuntzako jarduerak lagungarriak.
- Q atala: Osasun jarduerak eta gizarte zerbitzuak (multzo hauek baino ez):
 - 87. multzoa: Egoitzetako laguntza.
 - 88. multzoa: Ostaturik gabeko gizarte zerbitzuetako jarduerak.
- R atala: Arte, aisialdi eta denbora-pasako jarduerak (multzo hauek baino ez):
 - 90. multzoa: Sormen, arte eta ikuskizunen jarduerak.
 - 91. multzoa: Liburutegi, artxibategi eta museoetako jarduerak eta beste kultura jarduerak batzuk.
 - 93.2 taldea: Aisialdi eta entretenimendu jarduerak.
- S atala: Bestelako jarduerak (multzo hau baino ez):
 - 95. multzoa: Ordenagailuen, norberaren gauzen eta etxeko gauzen konponketa.

Salbuespenez, interes nabarmena duten proiektuak direnean, aurreko epigrafeetan agertzen direnez bestelako jarduerak nagusia duten enpresak ere onuradun izan ahalko dira, Ekonomia Sustatzeko Saileko foru diputatuaren ebazpen arrazoituaren bitartez.